

四庫全書

史部

欽定四庫全書

史部

赤城志卷五

六

詳校官監察御史_臣沈孫璉

檢討_臣德生覆勘

總校官檢討_臣何思鈞

校對官中書_臣高 中

謄錄監生_臣孫大森

欽定四庫全書

赤城志卷五

宋 陳耆卿 撰

公廨門二

郡初治臨海後徙章安後又徙始豐其復治臨海又幾年于茲矣度地既正面勢亦均脉絡聚而基礎高于以宅邦君為稱惜頗感陋如衙鼓二樓不正矗於前而旁時於左是其一端也豈負山為郡其規制止若是歟然屋宅多架巉岩危軒傑閣旁湧側出摘星辰而舞雲氣

視闌闌百倍公退暇杖藜輿竹清賞幽討豈不足以呼
吸光潤而增為政之清明哉自倅貳以下咸有舍惟兵
官監當官多僦民屋不書

州治

州治在州城西北大固山下舊在山上今永慶院蓋其
處按州廳壁記序州置大固山屈晃公居宅以其
地勝立屈氏次子惠坦為太守改家為州按惠坦
吳人而臨海郡置於太平二年此建立之始也後

以峻不可躋遂徙今地而不知其徙之歲續接白

雲延壽庵記

庵即今永慶院

云昔為鈴閣當庵之中後人

遷于山之下將二百載刺史錢昱登山而望遂置
庵焉錢以乾德三年來守以太平興國二年再守
逆而數之至唐大曆中適二百載焉此固其徙之
歲歟自儀門設廳修興建各有本末今列於左

儀門在設廳前列戟十二淳熙七年沈守揆重建

設廳在儀門後淳熙七年沈守揆重建有御筆詔旨

藏馬

小廳在設廳後淳熙十五年章守冲重建

簽廳在平橋西廡嘉定十六年齊守碩重修

鼓樓在子城南門上榜曰台州乾道八年趙守思重

建刻漏則皇祐四年浮屠可榮所作歲久寢差紹

興三十二年黃守章重造

按可榮所建用減水鐵壺二十一箭下有甕桶

以受水焉皆穴其底室以綿其最異者大寒壺不凍後欲改造添水壺則凍矣方改造時掘其甕桶牢不可動遂止不掘因得復用之又其出水銅管或為滓塞則以竹通之而歷百餘年管不消闕莫

知其法也或曰乾道八年陳曠易之

嘉定四年黃守槃又更箭籌治

屏壺新作鼓角如舊制

州扁乃蔡待制修所書後改用徐待制競篆書會水

災棄去復用舊額云

衙樓在州治東南四十步嘉定四年黃守槃重修

手詔亭在儀門外東廡與衙樓對紹興十八年宗守

穎建

宣詔亭在州治前與儀門對宣和元年趙守資道建

拜詔亭在州西永福院嘉定八年俞守建建

班春亭在儀門西廡嘉定四年黃守燾建嘉定十六年齊守碩重修

清平閣在節愛堂右山上舊在堂前賀參政允中以守蕭洽清平而名淳熙三年尤守衷重建慶元二年劉守坦之徙今地

見山閣在宅堂後

靜鎮堂在小廳左唐李嘉祐為守實常南薰集贊之有雅登郎位靜鎮方州之句故名嘉定六年俞守

建重建

君子堂在靜鎮堂前太平興國三年畢文簡士安來

守真宗有君子人之稱故名慶元元年周守暉重

建

詳見牧守門尤守表詩云堂堂文簡公一世夔與臯君子哉若人此言聖所褒遺愛在斯民誰

能薦牲牢獨有坐

嘯地清風仰彌高

節愛堂在君子堂右舊名燕豫淳熙四年尤守表重

建取節用愛人之義更今名

尤詩云誰憐窮山民糠粃不自贍紛紛死

溝壑往往困征斂夫惟節與愛是謂仁且儉揭茲聖人言聊用自鍼砭又記云過靜鎮堂之左少

南為方池並池而南墻壁障礙敗屋傾欹公厨以
積膠醴問諸故老曰此昔之燕豫堂也池舊有橋
橫縱齊度其東為草堂今皆毀撤後人因基築臺
以望月其下枕池為小閣名曰清平臺庠且隘不
快登覽人跡罕至亦漸頽圯余既徙臺於參雲亭
之後榜曰匿峯以望北山平夷舊基更作堂曰樂
山以望西山之秀而池光山色且蔽於閣而不得
見也迺徙閣於池之南因燕豫堂之基別為堂曰
節愛取節用愛人之義旁為挾廊而上與樂山堂
通池之北石崖盤踞土壤所壅䟽剔理脉發露呈
顯如枕股膊如覆困廩如鼃鼃之背負土而出西
望連岡疊嶂間厠隱顯如擁鬟髻如展旌旆如風
檣陣馬排闥而入其南則恰憤二峯角立明秀若
偉丈夫冠劍而坐雙塔亭亭影挿天半於是仰山
俯池遠樹近石環列先後若相拱揖煙消日出層
樓飛閣浮虛跨空如展圖畫如望蓬萊之雲氣也

夫昔人經始莫不相山川之宜度面勢之便其所
建立如紀綱法度井井然悉有條理一定而不可
易後人見其敝而不能復也始出己意變更之易
其東則西廢撤其左而右病遂使昔之勝槩日就
湮沒今余非能有所增創也大抵無改前規無廢
後觀便覺天宇開明岩壑增秀林木水鳥皆有喜
色而後知昔人之規模可因而不可變也爰刻諸
石以識顛末尚告來者嗣有葺焉始欲跨池為橋
仍其舊池上有老梅
惜不忍伐遂不復作

霞起堂在靜鎮堂後淳熙三年尤守襄建取孫綽賦

赤城霞起之句嘉定十二年喻守珪重建

尤自為
記云雙

岩堂踞兩崖之間獨得地勝其下面牆廣不尋丈
擁蔽心目不快人意予首闕之牆之外冀壤所瀦

乃墾乃夷得舊址焉撤廢亭於射圃移植其上榜曰凝思取孫興公賦所謂凝思幽岩者也亭之前有敗屋數椽東面西上棟棟橈折隅奧庠仄乃改創為堂三楹南鄉與靜鎮堂相直因名曰霞起繇雙岩而望靜鎮直若引繩其外繞以回廊上連參雲以為風雨游觀之備爰植美竹以經緯之於是堂成而勝益奇前所未睹披豁呈露天若開而明地若廣而敞景物若增益而富晨煙夕霏萬化千變近峯遠嶺間見層出皆可不出簷廡而盡得之噫是亦足以廣心志蕩塵垢而非苟以為娛也惟此邑神仙所宅昔號勝處自經大旱遂成陋邦而山川之秀不異今昔或謂予當單乏之際顧為此不急之務然取材於舊課工於卒不市一木不役一民而使隘者敞窒者通弊者新則亦何害於政哉第廢材不足以支久尚能十稔若其革而鼎之以俟後之君子始役於淳熙三年正月己未成於

二月
壬午

凝思堂在霞起堂後淳熙四年尤守襄建

尤詩云失脚墮塵網

牒訴裝吾懷公庭了官事時來坐幽齋天風肅
泠冷山鳥鳴啾啾我思在何許獨對蒼然崖

雙岩堂在凝思堂後慶曆八年元守絳建紹興十七

年曾守惇增修之

謝叔詩云埋沒雙岩已百年班
班勝事謾流傳幸陪佳客揮犀

塵實欠傾城舞繡筵故老風流寒似鐵月卿英
妙筆如椽拂衣便欲故山去復恐眼中無此賢

樂山堂在清平閣下淳熙三年尤守襄建取仁者樂

山之義慶元二年劉守坦之徙閣于今地前為堂

後為挹爽

尤詩云草堂有遺基榛莽歲月久我來始經葺挹翠開戶牖羣山供笑傲萬象

皆奔走所以名樂

山欲企仁者壽

和青堂在小廳右慶元四年葉守甄重建取杜甫雲

水長和島嶼青之句

集賢齋在清平閣右舊在雙巖堂左治平四年葛守

閱建蓋集葛元司馬承禎柳公權及近世名人翰

墨刻其間故名嘉定元年李守兼徙今處羅致金

石刻以實之

陳通判貽範為之記

參雲亭在雙巖堂左山上慶歷七年元守絳建嘉定

十六年齊守碩重新之前有羅漢樹頗奇怪

元自為記

云州治据大固山介天台括蒼之間北直大海潮
汐遡江薄城而羣山院東水不得肆慶歷五年夏
山渤海溢踰城殺人萬餘漂室廬幾半州既殘毀
明年予來守茲土拊視凋瘵感然出涕迺循周官
聚養萬民之法恤孤獨收介特招徠安輯之問軍
政昔之闡成過更疲佚不壹迺取尺籍伍符而均
齊之問吏蠹昔之彊宗囊橐為姦積歲勞豪忽厭
飫褻腴貧者擠轉溝瀆沒齒不享升斗之澤迺為
定規釐一隱括料姦撻譎牢不容罅參是數物信
以諭之灋以束之故民罷者興兵勤者休吏窮者
給繕戎械治困廩全官廬秩祠宇表慶開齊簿領
平獄岸一一悉力問水害之繇昔之負城之民刻

去客土日以薄地是有水敗迺因新城出帑金以購材募工礮石累甌環周表裏外內九門飾之樓觀鯁木于門牝牡相函外水方悍以禦其怒作十竇窻裁以密石內水方淹以疏其惡又鑿渠貫城廡為三支達壅渟清餘波距川斲十二石杠蜿蜒跨渠舟車竭來行者不病旬歲而工既於是秋水復攻城不沒者三板乃循閨閣垂木闔窻或持編管或捧簣土輔堅空隙扞有餘壯已而水無以縱遂復故道昔之刺史廨舍在山谷間湔裹之餘雖不甚壞而潮波洄洑鞠為淖洿大凡署所以朝夕處君命之地不可以不葺乃培偃瀦支蔽阨即舊而新之廨之四隅有樓及亭列峙而五至是摧圮悉欲全之則重煩里旅然士大夫必有退公息偃之地乃取城闔騰材於二山之交作雙岩堂廡緣山椒作參雲亭天空地迥萬象在下射有長圃飲有曲水賓友衍衍雅歌哨壺日為文酒之樂粵今

年春州人縱遊鼓舞於庭除之下有賓擊節而歌
曰昔民昏墊今民庶蕃昔民齋咨今民熙熙惟君
憂樂兮與民共之天惠其寧兮無以君歸予聞之
甚喜因誦之曰予斷斷然一介臣素性狷直重以
蹇連之分孤鳴自哀而朝廷不加誅葺名為二千
石幸為僚諸君皆文學政事之選交修補察以裨
不逮繇是不為司敗之謫爾大抵刺史能休戚千
里若政之媿惡則有輿論蓋春秋之法興作始事
必書予是以雜為之記以俟後之知者曾守幾詩
云大暑不可避微涼安可尋雲亭非濁世竹樹有
清陰近海風先集山高日易
沉無因見明月螢火亂更深

玉霄亭在參雲亭左紹興十七年曾守惇建取玉霄

峯而名嘉定十六年齊守碩修後軒

尤守衷記云
台州南西北

三面逼山獨東望諸峯差遠雲煙空濛外際溟海
蓬萊方丈想見其處舊有小亭在子城之上紹興
丁卯南豐曾史君絃父改創更名玉霄距今三十
年摧敗傾欹岌嶮欲壓其下昔有茂林脩竹今皆
剪伐錯為民居溷圉羅列污穢喧囂遊者嘆息余
乃披剝蠲疏載芟載除四為繚牆以限外塗下建
石柱上跨飛閣出亭之外又有六尺凡楹棟榱桷
之朽撓疊瓴級甃之缺折丹黃粉漆之侈剝皆易
而新之方連周法可倚可眺晨挹灑氣夕延素月
山川城郭盡在几席之下凭欄四望疊嶂環繞手
揮絲桐目送飛鴻飄飄乎如乘雲御風身在物表
州之宴游於是為勝乃刻亭柱以紀歲月云 曾
和李舉之詩云新亭崛起最高峯無數遙岑翠掃
空恐有謝公留屐齒為開摩詰畫屏風倚江楊柳
自高下照水杏花能白紅正羨渭川千畝竹清陰
分借賴隣翁 王廉清云憶昔新亭敞玉霄使君

聳窮意飄飄春風激灑黃金蓋明月參差紫玉簫
歌吹舊蹤空草木風流閒話屬漁樵憑欄無限淒
涼意寂寞寒

江落暮潮

舒嘯亭在參雲亭後舊名匿峯淳熙四年尤守裒建

取孫綽賦匿峯千嶺之句紹興元年江守乙祖更

今名

尤有詩云小亭在山背不見山巍巍但見四面風輻湊朝宗之深藏固甚智自牧甘處卑

一謙受四益

是以能不危

駐目亭在參雲亭右慶歷七年元守絳建取杜甫曠

望延駐目之句嘉定十六年齊守碩重建

尤詩云攀梯上

覽級小憩得危亭一覽盡寥廓四山聳寒青浩若
凌太虛翮如逐遐征昏花拭病目望處增雙明

解纓亭在參雲亭東嘉定四年黃守留重建

澄碧亭在靜鎮亭左廡跨池舊名興移淳熙十年史

守彌正增水閣更今名

瑞蓮亭在節愛堂前池心舊名玉虹嘉定四年黃守

留以平橋獲蓮更今名

凝香閣在靜鎮堂左嘉定六年俞守建建且名

赤城奇觀在郡圃後山上舊名覽輝慶元三年劉守

坦之建開禧元年葉守筴更今名

雙瑞軒在赤城奇觀後嘉定四年黃守箴以粟九穗
麥兩歧故名

梅臺在赤城奇觀前開禧元年錢守文子建下臨巨
壑有梅數十本焉

桃源在郡圃嘉定二年黃守箴建自參雲亭後循雙

岩堂而上植桃百餘蓋倣劉阮故事云

黃有詩云
本自深村

老圃來偶分符竹到天台漫山
幸可容桃李莫待劉郎去後哉

熙春館在手詔亭西淳熙十年史守彌正建

和豐樓在天台館南慶元四年葉守籟建

多音樓在三酒務北慶元四年葉守籟建

推勘院在州東南二里舊在資聖寺西後廢嘉定六

年俞守建徙今地

濟糶倉一在報恩寺一在吉祥寺嘉定四年黃守箇

建用緡錢二萬為之本秋則糶春夏則糶糶價平歲不踊歛歲特損嘗請于朝乞以此錢循環毋

隸他用從之詳見規畫及序文

養濟院在中津橋南舊在資聖寺下嘉定四年黃守

璠徙今地內有坊二曰安老慈幼屋總二十楹

嘗以

錢置官民田一十二頃有奇地山園一項一十六畝有奇歲可得穀一千七百石有奇錢七十九貫有奇又歲以千緡給他費度可贍百口廢疾者縱不入亦量給之日用什物各有差提督官吏典直卒及醫職皆具嘗自為之記且請于朝如濟糶倉法云

安濟坊在司理院後嘉定四年黃守璠建先是病囚

無所棲止散之城樓祠宇若僧廬三門數有死者

黃乃為此以處之卧坐百用皆具

監臨典直以下一如養濟法米

鹽藥餌取之贓罰
錢冬給衾與薪炭

漏澤園在城東法安院側初奉旨建嘉定四年黃守
筥重新之先是地止三十餘畝守以僧行力不任
近舍有民王姓者自為之守四繚以墻其後屢壞
民死皆道攢路瘞過者惻焉黃遣於東西南三隅
比城五里循古城根山宮梅花園後嶺麻車衝等
處括遺骸一千五百餘迺先葺舊園且求園外地
及威神院側後嶺庵三所置新園永為邦人聚葬

之地焉

舊園內立墻牆內分為若干層層分為若干穴自東取西或自南取北每穴地廣七

尺脩一丈比葬掘深五尺每三層橫穿一溝溝廣三尺深六尺仍相一低處覓溝水出溪約可瘞一千五百四十八人餘三所可瘞二千五百人有地而無力者官量給其費宗室命士大五千小二千餘則大三千小一千五百俗尚火化有諭而不格者亦助之錢錢稍下於瘞已化而願以灰骨葬者聽其暴露無主者一百七十餘人棺損者易之瘞於舊園如前式

右自推勘院以下非解舍然皆繫民政故附見之

通判廳

廳在州西五十步淳熙五年通判管銳重建

芝秀堂在廳左以有紫芝產於棟故名

登瀛堂在廳右慶元三年通判趙彥衛以欽廟所賜
唐十八學士像刻于壁故名

景沂堂在登瀛堂右

歲寒堂在景沂堂後

蓮風閣在宅堂後側有流花渚漾花池後有翠麓

雲水亭在後山上舊有觀蒼臺慶元三年通判趙彥

衛更今名

雲海亭在萬壑風煙右

月臺在宅堂右舊為雙蓮堂後廢嘉定十四年通判何洙築臺更今名

嵐關在雲海亭右

梅榭在雲水亭右其側有梅峽及銀谷石於菟裁眉嶺四處

萬壑風煙在後山上舊即雲水亭萬山拱揖一江演迤井邑粲然在目最為奇勝慶元三年通判趙彥

衛徙亭而建且更今名

添差通判廳

廳在州東四十步舊為判官廳紹興十六年通判洪适

改建今廢

洪自記云天台之為郡環山枕海壤僻民慮牒訴簡少輸調有常平時從容見

謂無事故分曹授政絕贅冗者中興以來影纓之士日進一官相承率三四輩員外置者無郡邑不有紹興二年是邦始增治中凡五易而迨至被命遲期者後復三人則茲員之設將踐武不廢乃衷穉名氏官秩去來龕石壁間而繫之言曰昔昌黎韓公嘗謂邑丞貳令位偪而嫌文書視成一不敢省有公負復歸尤焉曾主簿尉之不若丞於郡者亦然厥有不蹈其中萎媵不事事玩民戚休貪殘

放手漫不孰何曰此太守職也吾何干夫是之謂
負官否則鈔鈔表襮召權市威上下相高矛楯崖
異吏不確其承民情不得直夫是之謂越位負其
官不可越其位又不可然則奈何能使官不負位
不越清其心以求其平視著
令唯謹外是而議夫何知

分繡閣在廳左

洪自記云溯河以東層岡峭岑盤深
繚復陸自會稽道天姥又百有餘里

才得更曠之地十有五項以為天台郡郡踐山作
郭而餘麓及屹立之峯廢不可廬者亦十一二故
官寺民區鮮鉅麗之所十數年中監州始有以員
外置者僑于城之巽隅距黃堂七百步而贏其職
業之商讞僚案之謂請吏抱簿牘袂屬囂闌隘蹊
間舉不以為便乃徙幕曹之舍為今所居與正員
相東西焉然規恢下窄榮奧埃墨無復明軒虛牖
常伴敞豁之勝獨東偏有地斗大叢榛委甃蚓虺

所潛前沿後仍指為棄壤則薊荆畚治培基建閣
以夏四月課材閱月而斤斧論功其高四尋衡表
二十有七尺南北不及者九之一羣山縈環垂光
獻狀可以分繡名風籜雲稍映燭左右目其堂曰
清閔閣之後舊有蔬畦更以嘉葩中穿小池可容
蒲荷方行鶩狎至占位云休登臨亘望則岩姿之
四時煙霏雲采之隱見茂木敷陰幽禽諧聲過耳
娛目景與意會間日觴朋命寮奕棊援琴放歌賦
詩灑然不自意其塵坳中也客有過之者曰人在
天壤間以百年為須臾况宦游弗常席甫煖而趣
代今子來旬歲矣又如是而去何以茲閣為揖之
曰人皆無以一生為寄則端節凜行宓勛著言期
與前英聯橫能無以一官為不久則遵憲祝姦必
有以美其政予年少質下若乘鴈雙鳧雖去來無
係於邦人然吾身朝夕于斯抑欲自適其適爾客
憮然曰有是哉因泚筆而書之曾守鉉父戲洪詩

云新營小閣面孱顏領客開樽紫翠間千里畫圖
供徙倚一時名勝喜躋攀好風已破晚來暑小雨
不遮湖上山老子箇中殊不淺尚堪同醉看弓彎
又題詩云治中妙言語洪濤瀉詞源向來羣玉
府纔下紫薇垣佐郡滄海傍憑軒望朝暾便欲乘
輕車長轍登崑崙茲樓何縹緲千岩靄雲屯庭空
百吏散博山炷微熏重尋羨門輩仙事渺無垠何
如對妙高舉手招德雲 洪弟翰林邁寄題云新
閣何隆隆經營自茲歲其前山送青其下竹交翠
景物日夕佳登臨春秋異治中公事暇領客共留
憩四坐歡相酬壽主真重意向來蓬瀛上視此無
乃愧主稱客意好是事幸且置拄頰飽看山朝來
殊爽致

清閔堂在分繡閣下

翰林邁寄題云昔聞王子猷借
宅亦種竹此君固可喜人亦清

不俗伯氏貧而癯一飯不飽肉堂前自經始護此
無盡緣一官歲強半餘日如轉燭待其長稚子而
已牽歸轂何由享嘉蔭償我志願足應煩彼邦人
日報平安福曾守鉉父詩云洪郎雅吳語不減
賀季真開軒風煙上爽氣朝朝新
手裁渭川竹坐對北海尊平生耐久朋歲晚獨此君此君不可踈
亦復未易親紛紛桃李行豈容託清塵退食靜
隱几微風冷衣巾乃知王子猷真是我輩人

舞漪亭在清閔堂後

教授廳

廳在州學東二十五步嘉定八年教授姚自重修且建

宅堂

三益堂在廳右淳熙四年教授應春年建前有松竹
梅故名

隅山堂在三益堂前慶元五年教授方暉建以東南
闖巾峯而名

東軒在廳左嘉定三年教授高松建

野思堂在隅山東南嘉定九年教授姚自建

立德亭在宅堂後射圃慶元五年教授方暉因立武
學而建

判官廳

廳在州東七十步舊在今添差通判聽紹興十六年徙杜家巷淳熙三年以舊比較務改建

推官廳

廳在州東五十步嘉定三年推官趙師回重建

遺直堂在廳後熙寧中孔文仲為從事手植檜于堂

後越八十年其甥曾幾來守揭今名

曾有詩六章用叔向古之

遺直為韻詩云三孔吾渭陽猶及見仲叔堂堂舍人公再拜但喬木長身一庭中勁氣九霄上思

公立朝時凜凜不可向 策登董相科賦作長卿
語劉牢出外甥愧我不如古 老栢蜀人愛甘棠
召南思領客清越下作詩來歌之 元祐幾閱歲
諸公一無遺吾舅典型在神明力扶持 栢葉松
其身 在時公手植雜木
誰所栽一錢初不直

錄事廳

廳在州南六十步州院在馬宣和三年工曹陳橐建

青青堂在廳右以其前植竹取淇澳之語而名

石公孺記

云昔之言好竹者莫先王子猷子猷所至必種竹
曰何可一日無此君耶又聞人有佳竹直造其庭
不見主人而去是真好竹者予謂子猷風流雅尚
固足以超絕一時然知竹之為美而不知其所以

為美者果真好竹也哉夫人之所好非特為耳目之玩而已猶將有所考焉故淇澳之詠自猗猗至於青青自青青至於如篔則積德為愈成任事為愈重衛武公之德如是也使子猷知所以美而考德焉則功業所見亦大矣會稽陳德應司台之工曹事廳之西為小堂無他嗜好唯植竹數百竿青青然向成矣因命之曰青青堂蓋德應虛緣以應物薰然而致和直節凜凜有昂霄拂雲之氣真知愛竹者高標凌厲久而不渝其亦有意乎武公之功業哉故予朝夕從之游相與傍徨不能去也然德應嘗假黃岩臨海令遺愛戶有之曹事典獄小大之獄必以情台人德之甚飲食起居必為之禱唯恐其去也後之人息於斯者猶將封殖此竹遂賦甘棠焉其亦何遠之有

司理廳

廳在州南九十步司理院在焉嘉定七年司理吳焯重

建

司戶廳

廳在州南五十步宣和元年戶曹滕膺建

今堂內脊記
有姓名門額

亦其所
書云

司法廳

廳在州南一十步淳熙九年司法朱孝倫重建

支鹽廳

廳在州東南報恩寺後開禧元年鹽官王棻以都監倉
改建

巡轄通鋪廳

廳在崇和門外淳熙十年巡轄趙舜舉建

赤城志卷五

欽定四庫全書

赤城志卷六

宋 陳耆卿 撰

公解門三

縣眎州秩小位卑而於民最近民有事未有不由令之
室而能徑達於守之庭者也州尊總其綱縣卑釐其目
綱簡而目衆故凡獄訟若財賦漫漶輻輳絲棼葦積者
咸先萃於縣縣能緝理位置則晝簾寂寂否則民肩吏
足相與擁于門溢于庭散于廡充斥于狴犴如閔如市

豈不削其體褻其居哉按五縣治黃巖最闊壯臨海號附郭今改選注京秩且以命朝士寄加重矣而其居亦未稱也然則居與人稱而政與居稱其自今日始乎

臨海

縣治在州南二百三十步按廳事皇祐二年令崔黃臣

建

章望之為之記

乾道九年火淳熙六年彭仲剛重新之

尤守衷為記云乾道癸巳秋九月臨海居民不戒于火濫爛扇延以及縣治燔燹俱盡當官者因陋就簡僅能建三椽於煨燼之中以聽獄訟吏民亡所托足案牘無所棲列一遇風雨則沾漬暴露叫

呼謹叟訟牒計簿散匿吏胥之家最易甲乙莫可
循考縣日以不理後三年予來為州有意興之而
無與任其責者淳熙丁酉秋永嘉彭君仲剛來主
縣事予聞彭名舊矣心固望其有為彭乃言曰夫
環百里之地而為之長聚萬室之衆而聽其令民
社所寄視古子男治必有所一邑之條教於是乎
出而司存弗備亡以施政廢之當舉舍此孰先然
役大用夥非受命于郡則令不得擅敢以為請予
乃畀錢三十萬使營度之是冬予罷官歸踰年則
彭以書來告成矣外為重門以嚴啓閉上建層樓
以斂敕書治事有廳燕居有室翼以脩廊挾以外
廡吏直賓次環列有序輿者為藏爽者為獄為亭
於大門之外以班詔令為閣於東廡之上以藏案
牘為堂為齋為軒以備宴休游息之地下至於庖
湍之所微至於什器之末雜至於丹雘翬黼之事
纖悉畢具規橰堅壯工用精密總為屋八十有一

楹中鑿五池，澙水為備，復以其餘力建丞簿之舍，而新社稷之壇，鄉之荆榛瓦礫之場，今乃為高明宏麗之觀，民始識有官府之嚴，而稱其所以為邑大夫之居者，問其經費之所出，則曰：未嘗巧取而奇斂也。凡財之隱於吏而無籍，木之訟於官而願獻者，悉取而拘之，鉤校畸贏，積疊銖寸，故費廣而不闕，問其工役之次第，則曰：未嘗厲民而彊使也。籍境內之為工者，若干官出，徂庸率如其私之直，居處飲食先為規畫，使極安便，率旬有五日而迭休之，其用夫止及於附邑之三鄉，家止一人，人役三日，番無過十夫，而亦與之庸省，督工程無苟簡怠墮之患，謹視給散，無稽留朘削之弊，民之與官為市為役者，若私家然，故役大而無擾，蓋經始於丁酉之冬，而落成於己亥之秋，問其所以久，則曰：不敢倉卒而趣辦也。作於農隙，而弗奪其時，休其力而弗盡其用，慰諭其勤而策其不勉，民咸勸趨。

故功力而不勞夫聚財有方用民有節舉事有漸
顧何往而不濟哉予常謂今之士莫難於為邑弱
者不足以有為而健者或以病民幸而得彊弱之
中則積負困之姦民撓之欲興事造業有其志而
不克成者多矣又幸而不為積負之所困姦民之
所撓而在上者或不察不得自展其才者亦多矣
當君之始至賦亂政厖隱戶移稅弗可究詰乃考
質劑乃正疆理逋租匿役披露首服吏姦民瘼檢
柅濟理田野歡呼訟日以簡故能不困於積負不
撓於姦民不抑於當路而興舊起廢不擾而集非
庶幾於古之所謂循吏者乎夫裒聚贏羨於彈乏
之餘可以觀儉謹用民力於偪仄之中可以觀仁
積累工役於遲久之後可以觀智是皆足以為吏
法而不可使之無傳予既嘉彭君之有成而因其
請故遂著其實使後之人得以考而法之非以譽彭君也

鼓樓在縣門上

手詔亭在縣治前

虛照堂在廳後

仲剛詩云宇定發天光所患在自窒
機乘不容穢事至紛若櫛是中有物

橫滿眼皆黑漆斯堂
亦空歟為我作虛室

平心堂在廳西

仲剛詩云一泓不盈寸天地同其流
微風相傾歆浩浩懷山丘牛馬已不

辨況能鑑微不我欲
稱物施舍是將安求

琴堂在虛照堂後

令孫祖德題云一曲重彈子賤琴
三年風月總知音休言無補公家

事留得堂

前竹樹陰

擁青軒在琴堂後

悅齋在虛照堂左

瘦軒在廳後嘉定十二年令朱中直建取宓子賤答
有若之語而名

丞廳在縣東一十步舊在今主簿廳乾道九年火淳熙
六年令彭仲剛徙今地

掃溉軒在廳東嘉定十年丞王森建

主簿廳在縣西一十步舊在今丞廳乾道九年火淳熙

六年令彭仲剛徙今地慶元元年主簿蘇霖重建

孔先堂在廳前嘉定七年主簿趙汝駟建水心葉侍

郎適名之

且為銘曰非籍不有惟籍乃守先聖所
正後學敢繆臨海之邑龠米寸帛必信

必實以

作民極

尉廳在州東北四里舊在下洋嘉祐元年徙今地宣和

中燬于寇明年復建

地据形勝其前秀巒環峙曠
野平鋪後有峯屹然龍困水

瀉出其右陰陽家以為
善吏隱者多通顯云

隱軒在廳東紹興二十二年尉王淮建

景樞堂在廳內淳熙六年尉葉高建以先是王丞相
淮為尉後位西府故名今名阜堂

一鋒亭在廳前淳熙六年尉葉高建舊以舒亶為尉
斬毆後母者賦詩有一鋒不斬姦邪首萬古安知
將相材之句故名

杜瀆塲廳在縣東一百二十里

押袋廳在杜瀆塲廳側

黃巖

縣治在城內宣和五年令王然重建

鼓樓在縣治南一十步前跨石橋

尉鄭伯熊詩云飛甍鬱崢嶸萬井交

錯綜俯仰各有則靜以御羣動平時心匠微斤斧袖不用少施見其餘規畫已驚衆姬公昔營洛道德作梁棟東家有餘財鳳哀無復夢帝方議明堂行矣與君共

宣詔亭班春亭在縣治前三步舊在鼓樓前東西後廢開禧元年令趙湜徙今地

清心堂在民和堂後舊名清畏紹興二十一年令楊焯建三十二年令胡璉改名清軒嘉泰二年令劉

鼎孫更今名

初孫尚書觀嘗賦詩有所貴知我希已及魚與豚之句璉謂清固不當求

人知亦不必畏人知遂去畏字直揭曰清尉鄭伯熊詩云樹蕙餘百畝藝蘭當路歧清風一披拂香氣無不知紉為楚纍佩辱我幽靚姿小草生澗底雨露無恩私不入兒女玩歲晚得自持所以古君子清德畏人知

民和堂在縣圍嘉定二年令劉鼎孫重建

摘星樓在燕堂後嘉定四年令楊圭重建

仁政閣在縣治東廡嘉定四年令楊圭重建

舫齋在民和堂西開禧三年令趙汝伯建

飛蓋亭在舫齋西嘉定九年令陳夢建建

淨涼亭在飛蓋亭北嘉定五年令趙湜建

丞廳在縣東一十二步嘉定三年丞顧元龍重建

香遠堂在廳東舊名紫翠軒紹興五年丞趙子英建

嘉定十五年丞趙彥珽更今名

左緯詩云試捲朱簾看青山有幾重

崢嶸秋色老蒼莽暮煙濃未辨清猿處
遙知白鳥蹤藍田無此景痛掃只雙松

真清亭在香遠堂南紹興三十一年丞李昱建今廢

宜雪亭在香遠堂東慶元四年丞何坦建

哦松亭在香遠堂後嘉定三年丞顧元龍重建

主簿廳在縣治東二十步隆興二年主簿趙仁夫重建
後廢今僦民居

尉廳在縣治西一十五步慶元五年尉徐士表重建

見山堂在廳西

傳香亭同

歲寒亭同

射亭在廳東南

右嘉定四年尉楊璘重建

買納場廳在縣東南六十里乾道三年監官戚大辯建

嘉定十五年潘周伯重建

押袋廳在監場廳側嘉定十一年押袋鮑埜重建

天台

縣治在縣境之中慶元元年令常建重修

鼓樓在縣門上

班春亭在縣治東

宣詔亭在縣治西

靜治堂在廳東嘉泰元年令丁大榮建上有閣榜曰

標霞

樓參政鑰
為之記

平心堂在宅堂西淳熙三年令薛洪建

瑞粟堂在觀政堂北舊名瑞萱乾道二年令李異重

建嘉泰二年令丁大榮以得粟一莖六穗更今名

觀政亭在縣圃內淳熙七年令劉孝憲建嘉泰二年

令丁大榮名

問松臺在宅堂後旁有大松如偃蓋舊為松風亭嘉泰三年令丁大榮築為臺更今名

多錦亭在縣圃內嘉定十四年令邵繼元建

丞廳在縣門西乾道五年丞朱皆建舊與主簿尉分處縣治內及是闢縣圃為之

主簿廳在縣東二百步淳熙十二年主簿杜純孝以縣吏沒官屋建

尉廳在縣西北一百六十步紹興二十五年尉李異建

仙居

縣治在城內建炎二年令張亨重建

鼓樓在縣門上紹興二十六年令梅克明建開禧二

年令姚倬重建

岩老堂在廳事東皇祐元年令陳襄建

按陳仙居詩自註云嘗鑿

池引水經竹林間以環流釣翁名臺習坎嘉魚名亭未知在縣治何處今不可攷矣岩老堂詩云手持養性書此地學樵漁身類龍蛇蟄情深木石居先迷成遠復正靜得中虛何必求深隱幽蒙是所廬徐融和云大老富詩書不煩耕與漁岩同傅說築人學仲尼居靜性觀三極窮神味六虛欲知

休復意仁義是蘧廬章望之和云岩前未老客
期在老樵漁拊俗多閒暇開軒適起居讀書明治
亂學易體盈虛頻許
相從否吾將當故廬

安樂堂在縣治後紹興十二年令杜師旦建

秀歧堂在安樂堂東慶元二年令尤棐以民獻瑞麥
而建

愛山堂在安樂堂左嘉定五年令董履道建

真趣亭在安樂堂東嘉定六年令董履道建取陶潛
是中有真趣之句

丞廳在縣治西建炎二年令張亨重建

倚松亭在廳後淳熙十二年丞趙善宿建

三益亭在廳東嘉定十二年丞林訪建

主簿廳在縣治東南五十步嘉定六年主簿趙彥儋建
尉廳在縣治東一十步建炎二年令張亨建

寧海

縣治在城內皇祐二年令李純師建

鼓樓在縣治前景祐元年令張太蒙建

勅書樓在縣治大門上後廢今為大門

架閣樓在縣治東廡嘉定十年令陳宗仁建

宣詔亭在縣治西

班春亭在縣治東舊為茶鹽亭嘉定十六年權令張

修重建

均政堂在廳東舊名問政嘉定十年令陳宗仁重建

岸憤亭在縣圃北建炎元年令魏賁建

舫齋在讀書徑北

讀書徑在縣圃西面水舊名風漪隆興二年令薛抗
建朱舍人翌寄詩以出宰山水縣讀書松竹林為
韻遂更今名

書林在廳東隆興二年令薛抗建

松竹林在縣圃東下瞰官河慶元二年令李知微建
橫翠閣在雲錦亭後今廢

雲錦亭在縣圃蓮池中今廢

丞廳在縣西五步政和四年丞劉倚友建紹熙四年丞

耿開重建

劉自為記云崇寧甲申大觀戊子是邑兩置丞皆踰年詔罷政和壬辰復置予

以初第承乏茲任前此雖越兩政皆以中廢而公解不克治予至則撤舍編民隘陋苦之既而得地於縣之西隅以歲在癸巳九月經營越明年正月告成址而柱者凡二百二十有二他未稱是又闢縣之垣以跨橋曰通德因廳之餘以構堂曰松吟亦足以資出入燕息之便也一日落成士民縱觀有驚眎夸睨若見賞者有俯眉顰語若見勞者又有欲笑而頤不解欲言而聲不揚若見誚者夫見賞者予知其樂此基構之成也見勞者予知其恤此造為之勤也求其見誚者不可得竊思之固有在矣得非以仕宦所寓比傳舍為稍久今基構造為之功非不知其備且至也然斧墨未乾爨突未黔代者告至徒役役為後人資耳况繼而居者未必察察而未必德也雖然彼見誚者固有理而所

以謂者非予志也士之有為於世期以身任天下之重要皆使人之獲安利而後已况朝夕從事無非盡其所以為人者於一室勞佚又何較焉若夫察與不察德與不德尤非所問也雖然繼是居苟能壞者思全弊者思新毋頽我憲牖毋毀我器用毋以一時苟簡而忘後人長久之利使向之見謂者於予心為無愧亦仁人之賜也因其落成故叙此以俟賢者

松吟堂在廳南今名壯觀

不負軒在宅堂南今廢

主簿廳在縣治西五步紹興中廢徙于迎恩驛淳熙五

年令方果徙今地

三瑞堂在廳西政和四年主簿洪皓建時以荷花桃

實竹幹有連理之瑞已而生子适故名

紹興十六年适以貳

車行縣題詩云久矣馳竄夢今登三瑞堂故山有喬木近事話甘棠展驥慙充位占熊憶問祥白雲

留不住極望是吾鄉

交翠亭在廳右池南政和五年主簿洪皓建

子适後有詩云

三十年中事鸞栖築小亭寒聲長新箨清闕拂疎橋水轉前時綠山濃遠處青重來勤問訊此別記

秋螢 左緯詩云地勝多喬木亭高闕古墉春稍經雨合晚色過煙濃影落琴書畔聲穿戶牖重鸞


棲應不久積棘若為容

適志亭在廳西慶元四年主簿胡宗建今廢

尉廳在縣治東五步宣和五年尉王允成建

清風樓在廳東舊名一覽紹興二年尉馬迴建

梅軒在廳西嘉定十年尉葉象翁建



赤城志卷六

欽定四庫全書

史部

赤城志卷七

八七

詳校官監察御史臣沈孫璉

檢討臣德生覆勘

總校官檢討臣何思鈞

校對官監丞臣張曾效

謄錄監生臣徐汝雄

欽定四庫全書

赤城志卷七

宋 陳耆卿 撰

公解門四

倉庫財用之所藏也場務以下財用之所出也古者山澤之利與民共之後世既專之官而茶鹽酒稅之禁日湧月溢雖明知其朘削而郡國之百須在焉欲罷蓋不能也台瀕海故有鹽負山故有茶民力役勞生故不能無酒昔固籠而之公上矣比歲茶場既廢二鹽監改隸

他郡所謂酒坊敗闕亦累累有之獨官酷僅行商稅尚
亡恙均節劑量使州用無匱而民力不傷此固善為政
者之所樂聞也

倉庫

州

都米倉在州東北二里至和二年孫守礪建

糯米倉在州東三里舊在州南演教院側乾道九年火

附惠濟院嘉定十四年趙守彥紆徙今地

都鹽倉在州東南二里崇法院舊在報恩寺後又於子城裏置北倉今有廟存焉後廢併徙今地

手詔庫在州治設廳東

軍資庫

常平庫在州治西廡

省庫同

糴本庫同

經總制庫在通判廳西

公使庫

酒庫在廳東

錢庫在使院東

銀器庫在小廳西

帳設庫在軍資庫西

設厨在設廳東

甲仗庫在州治西廡樓上

架閣庫在州治東廡樓上

百物庫在州治西廡

牙契庫在通判廳西

鹽本庫同

諸司庫同

都醋庫在鼓角樓下街西

抵當庫在州治西二十步合同茶場左嘉定四年黃守

營建先是軍民當春冬雪寒質貸多弗售公乃捐

錢二千緡為此以便之

自十月至三月每質不過五百拘息一分為簿書油

索
費
今廢

臨海

省庫在縣治東廡淳熙六年令彭仲剛建

常平庫同

茶鹽庫同

章安酒庫在縣東南一百二十里章安橋西舊係人戶買撲後因

敗闕淳熙二年州申上司興復撥付本縣自備本造酒補發糴本等錢續以補酒擾民民戶陳乞以

家沽均抱

州從之

章安醋庫在縣東南一百二十里章安鎮側今廢

舊例州委

巡檢管幹數船戶納錢兵級乘以擾覓令彭仲剛乞併委酒庫官以糟水造膏月納醋庫錢一十七緡

黃巖

米倉在縣治東二十步慶元元年令盧永年重修

常平倉在縣治西廡嘉定八年令胡衍重建

省倉在縣治西廡二十步今廢

天台

米倉在縣東七步

助濟倉在縣西七步嘉泰元年令丁大榮建

宋閣學之瑞為之記

續食倉在崇報院西嘉泰三年令丁大榮建今廢

省倉常平倉在縣治東廡舊在縣東嘉定三年令詹阜

民徙今處

省庫常平庫在縣治左

仙居

米倉在縣東六步

麥倉在縣儀門東

省倉常平倉在縣儀門東

經總制庫同

物帛庫同

醋庫在縣治門右開禧三年令姚偓建後廢

寧海

米倉在縣西四十步

縣渚倉在縣南七十五里

港頭倉在縣東南一十五里後省罷

省庫在縣治西廡

常平庫在丞廳北廡

場務鎮監坊附

州

合同茶場在通判廳東今廢

都酒務在州東南一里房廊務造麩庫附焉乾道九年

火尤守衮重建

商稅務在州南一里抵當庫平準務附焉乾道九年火
尤守袞重建

臨海

大田稅場在縣東三十里元豐中建淳熙六年省罷未
幾復建嘉定元年又罷二年復建

章安鎮稅場在縣東南一百二十里今廢

杜瀆鹽場在縣東北一百二十里熙寧五年建

按每歲
舊納正

鹽二萬一千八百石續增明州寄買六千二百石
總計鹽二萬八千石其始置鹽軍八十人崇寧元

年以課額不足胡提舉申請汰鹽軍減鹽四千三百石令亭戶承認二萬八千石每一石五十斤請錢八百文省其耗鹽八千四百石不請官錢總為三萬六千四百石每歲八月後即拆竈住煎不妨農務紹興中因官吏希賞申請增二分正鹽五千六百石耗鹽一千六百石通前額總計四萬三千六百石自後終歲煎煉窮日鞭笞終不足以登其數是時管柵一十有八亭戶一百三十有六竈五十有四淳熙元年劉提舉奏陳額重得旨將竈座減併作三十有五終歲正耗鹽減作二萬五千石每旬合買六百九十四石五斗每六石為一袋零一石五斗候支發增衍日復額上司委官徧往監拆仍呼亭戶供認內有力厚而遞年登足者減一分其無力者均減五分六釐九毫總不過二萬五千之數自後遂為定額矣

歸溪鐵場在縣西六十里

大石鐵場在縣西北五十里今廢

雄溪鐵場在縣東南一百二十里今廢

吞公鐵場在縣東南一百五十里今廢

廣濟鐵場在縣東南一百五十里今廢

高粱銀場在縣西北六十里今廢

茶場在縣東南一百三十里今廢

新亭鹽監在縣東南六十里今廢

按武烈帝廟記乾符二年新亭監給官莫

從易重建堂宇又九國志亦
載元德昭知台州新亭監

昌浦酒坊在縣東南二十里

長石酒坊在縣東南二十里

燥溪酒坊在縣東南二十里

柘溪酒坊在縣東北二十里

半坑酒坊在縣西北二十里

樓石酒坊在縣東南四十里

白茆酒坊在縣西北四十里

湧泉酒坊在縣東南五十里

黃奢酒坊在縣西北六十里

常風酒坊在縣西北六十里

潮際酒坊在縣西北六十里

大小石酒坊在縣西北六十里

石新婦酒坊在縣東南八十里

上庫酒坊在縣東南九十里

歸溪酒坊在縣西北九十里

外有家子城門開石南澗江口西岑新亭魚西涇山
絢珠大田章安肯步一十三處今敗闕

黃巖

于浦鹽場在縣東南七十里咸平三年建

今鹽額
隸温州

酒稅務在縣東北一里紹興二十一年令楊煒重建側

有雲波亭

路橋鎮在縣東南三十里舊名新安後省罷

嶠嶺鎮在縣南一百二十里後省罷

石塘酒坊在縣東南一百里

賞頭酒坊在縣南一百三十里

東鎮酒坊在縣南一百三十里

外有長嶼橋嶺溪口紫高夾嶼監北岸桐嶺寧化漢
城備禮十坊今敗闕

天台

赤巖銀場在縣西一十里元祐四年因鑛發而建今廢

為鉛坑

舊置巡檢監場監鎮等官按淨慧寺碑政
和三年有秉義郎充赤巖場巡檢張綬是

也又嘗開運河一帶與大溪相接
入州後居人占為田有遺蹟焉

猶溪鐵坑在縣東三十里

天柱山鉛坑在縣西九十里

稅務在縣東一百二十步舊兼酒及茶鹽後以行萬戶

廢酒務惟存稅務嘉定元年令詹阜民重修

詳見
淨慧

寺
碑

孟岸酒坊在縣北一十五里

鮑岸酒坊在縣東二十里

鼻山酒坊在縣南二十里

飛泉酒坊在縣北二十五里

下泉酒坊在縣西四十里

上泉酒坊在縣西五十五里

仙居

安仁鐵場在縣西一百二十里開禧元年建

酒稅務在縣東五十步

柯村酒坊在縣東一十五里

下角酒坊在縣東南一十五里

後陳酒坊在縣西三十五里

蟠灘酒坊在縣西四十五里

巖前酒坊在縣南六十里

寧海

長亭鹽場在縣東一百二十里舊在港頭大觀三年徙

今地

今鹽額隸
慶元府

浮溪稅場在縣北三十五里後省罷

柴溪鉛場在縣東北七十里今廢

梅塢鐵場在縣南一百里

一都鐵場在縣北六十里今廢

六都鐵場在縣西一百里今廢

酒稅務在縣東二十步前有熙春樓

港頭務在縣東南一十五里嘉定十四年省罷

縣渚鎮在縣南七十里唐武德中建

塘下酒坊在縣西四十里

砂碕酒坊在縣北五十里

石馬林酒坊在縣南六十里

馬筋酒坊在縣北過海難以里計

外有柘浦亭傍紫溪鐵場黃肚嚴壇桐山東倉須塢
九坊今敗闕

赤城志卷七

欽定四庫全書

赤城志卷八

宋 陳耆卿 撰

秩官門一

自罷侯置守更累世之承襲而為三年之遷易事大異矣然得其人則治否則亂亦無以異也台自漢置回浦厥后或郡或縣廢置不等長民之吏雖零落千載而其磊磊落落以治行著聞者光芒注射亦曷嘗有古今哉按曾守會初壁記起唐武德趙遠前此弗著而后此亦

多遺誤乃隨本年序次而博採傳記補其逸者五十有
三人其歲月異同則各附見於其末蓋郡之司命在守
當詳實不可遺也事難備載摘其要以列于下方云

歷代郡守

郡守

封君 諸使
等附

秦

始皇既并天下乃平百閩君搖

粵以其地為閩中郡 今州

以南皆為閩中郡地見
元和郡國志寰宇記

前漢

高帝五年

立閩粵王

無諸惠帝

三年別立

搖為東海

王

閩粵王郢

無諸死

郢立

東粵王餘

善

建元六年
郢弟

餘善殺郢

請所立帝

欲虛閩越

弗置立繇

君丑為繇

王奉無諸

祀餘善乃

自立為閩

越王帝聞

之因立為

東粵王元

封元年朱

買臣等擊	東粵入之	搖王殺餘	善以其衆	降帝以其	阻悍遷其	民江淮間	且於塞上	置治縣以	處近境之	民又以回	浦置南部	都尉皆隸	會稽郡	南部都尉
------	------	------	------	------	------	------	------	------	------	------	------	------	-----	------

後漢

東部都尉

宋志漢末

分東南二

部都尉東

部臨海南

部建安

未詳

自是郡守

或為刺史

吳

屈惠坦

按聽壁記序云貞觀六年改温

太平二年

台二州隸括州都督府故台州置在大固山上

以會稽東

屈光公居宅以其地勝故立屈氏次子惠坦為

部為臨海

		太守改家為州或者因之以為屈惠坦為刺史	郡立孫奮
		在貞觀時也審如此言則辟記當於本年之下	為齊王徙
		直書屈惠坦名氏今於五年下書嚴德八年下	章安縣尉
		書畢操而惠坦初無名焉豈偶忘之耶及按寧	封章安侯
		海玉溪碑則云吳尚書屈晃生子曰坦唐武德	見吳志本傳
		置台州始以屈氏故居為州治以是考之則置	
		州治自在唐初而惠坦為守乃在吳時所謂光	
		公者必晃之字而坦即惠坦辟記序文則自為	

漫患以滋後學之惑也
今定屈坦為吳人而冠

於郡守
之首焉

范平
錢唐人該覽百籍
嘗舉茂才有異政

見吳志

晉

王述
太原人王導所辟蒞
政清肅盡日無事

阮裕
咸和中來守
以德業知名

郗愔
以黃門侍郎來守
高平人在郡優游

頗稱簡默後以疾去職
乃築宅章安有終焉之

裴楷封臨

海侯惠帝

女為臨海

公主下嫁

志子起除
為守不拜

曹純

李成

有人望卒於
郡今有墓存

陶濬

丹陽人璜之
弟見璜傳

武帝第七

賀隲

會稽人循之
子見循傳

子頊封臨

羅彥

來陽人舍之
曾祖見舍傳

海王

並見
晉書

羊固

過江時來
守見晉書

陸昉

吳郡人澄之
祖見澄傳

王崇

隆安三年來守時
孫恩陷會稽棄官

而適見
晉紀

辛景

隆安四年孫恩寇
臨海景擊斬之

陸萬載

終秘書郎見
宰相世系表

顧相

和之祖
見和傳

蔣秀

請任旭為功
曹見任傳

仇馥

永寧初來守薦
任旭見本傳

周

失名
以廷尉來守見
索羗山舊記

朱汎

義烏人安帝永興
元年以太守歸所

義熙
年

元熙元年

大饑富
姓多衣

純懷玉
開門相

守死

宋

居號赤岸見
義烏縣圖經

王穆

臨沂人導之曾
孫見王劭傳

辛德遠

有集五卷見
隋經籍志

李式

有平素
之譽

江秉之

濟陽人以簡約
稱所得屢散之

海王

見何
昌裔

親故而妻子常饑寒人
有勤其營田者正色對

傳

曰食祿之家可
與農人競利耶

臧喜

東莞人善綏輯散而歸者千餘家

王筠

七歲能屬文嘗爲司徒左長史尋爲

守自次其文以一官爲一集自洗馬中書庶子

吏部至臨海各十卷右見宋書

王琇

按謝靈運傳靈運自始寧南山伐木

開徑直至臨海從者數百琇駭爲寇至已乃知

爲靈運也靈運要之遊不可贈詩有邦君難地

峻旅客易

山行之句

阮長之

元嘉中來守陳留人常擁敗絮

有風績所至人思之

錢道戢

元嘉中來守吳興人時陳侯安

都討留吳道戢帥軍士出松陽以斷其後異平以功拜都督右見向史

朱夔

歷中書郎轉州刺史後居四明且葬

焉見宋書及四明圖經

阮錄

元嘉年來守

蔡搏

見本傳

張畧

種之父
見種傳

伏曼容

見宋書

齊

孔琇之

會稽山陰人有
史能自奉清約

高帝女爲

罷郡獻乾姜二千斤武
帝以爲薄後知其清

臨海公主

范述

號稱廉平見
梁書蕭景傳

見梁王
彬傳

沈昭畧

見江文通傳序
及王思遠傳

梁

劉潛 時憲令疎濶百姓
多不遵業潛給御

有術俗爲之變簡
文帝有詩餞其行

蕭洽 下邳人清政
不猛民安之

傅昭 靈平人郡有室巖
前後守皆自封固

專其利昭戒勿
封右見本傳

關

程文季 靈洗之子靈洗
爲王琳所執武

帝召陷賊諸將子弟厚
遇之文季以禮容見賞

	陳			隋	開皇盡二	十年	
文帝立遺太 守見梁書						柳大隱 肅之子見 唐世系表	右自屈惠坦以下總 四十政壁記皆不載
	宣帝子叔	顯為臨海	王	上州有刺 史郡置太	守尋罷郡 置州刺史	曰太 守	

五年	四年	三年	二年	武德元年	唐	二年	大業盡十
	李子通 反州陷			戊寅			
			刺史	改郡為州 改太守曰		史曰 太守	三年罷州 為郡改刺

三年	二年	貞觀元年 <small>丁亥</small>	九年	八年	七年		六年
						皆陷	輔公祐 反州及 越衛發
	元修義				趙達 <small>壁記 始此</small>		

赤城志	十一年	十年	九年	八年	七年	六年	五年	四年
			畢操				嚴德	
十一								

十二年

十三年

十四年

十五年

十六年

十七年

十八年

十九年

員思古

二十年

徐永

二十一年

二十二年

二十三年

永徽元年

庚戌

二年

三年

趙吉

壁記作邵吉考舊志但有趙吉無邵

吉

四年

辛學忠

壁記作學中今考舊志作學忠是壁

誤記

五年

六年

席義恭

顯慶元年

丙辰

二年

高擇言

三年

四年

五年	龍朔元年	二年			三年	麟德元年	二年
	酉辛					子甲	
		李元 <small>壁記作李元真按 臨海黃巖二舊志</small>	<small>皆無真字但一云貞觀 八年一云上元元年皆</small>	<small>不可曉今姑 從其舊云</small>			孔徵

四年	三年	二年	咸亨元年	二年	總章元年	二年	乾封元年
			午庚		辰戌		寅丙
李璠		墨貽知退				趙瓌	
壁記作李璠今按唐宰相世系表云						乾封蓋二年壁記作三年	

調露元年

卯巳

吐突知節

調露盡元年
壁記作二年

三年

二年

梁仁昭

儀鳳元年

子丙

二年

上元元年

戌甲

李璠歷房鄧台三州刺
史是壁記訛爲播也又
咸亨盡四年
壁記作五年

永隆元年

庚辰

開耀元年

辛巳

永淳元年

壬午

弘道元年

癸未

光宅元年

甲申

垂拱元年

乙酉

二年

裴璡

三年

寶儀說

永淳盡元年
壁記作二年

四年	求昌元年	天授元年	二年	長壽元年	二年	延載元年	天冊萬歲
	丑巳	本載初 元年		辰壬		午甲	
沈福			常思義			成琰 延載元年 壁載盡元年 記作二年	

卷之四

赤城志

十四

元年

乙未

萬歲通天

元年

丙申

神功元年

丁酉

聖歷元年

戊戌

二年

久視元年

庚子

長安元年

辛丑

張元瞿

常銳

景雲元年 戊庚	二年	景龍元年 丁未	二年	神龍元年 乙巳	四年	三年	二年
	卓肩		廉璉				張思義

二年			先天元年	開元元年			二年
			子壬	丑癸			
張說 <small>景雲盡二年 壁記作三年</small>				張嘉貞 <small>壁記作嘉貞 貞今按唐書</small>	張嘉貞開元間 張守台 州益壁記誤 以為常也	又舊唐書作 開元十三年	
分天下置 十四州都	督隸越州 七月罷都	督					

十年	九年	八年	七年	六年	五年	四年	三年
鄭儔				楊翌			李英

十一年

康希銃

以銀青光祿大夫
守會稽人

有集二十卷見唐藝文
志及越州香嚴寺碑壁

載記不

十二年

十三年

邵昇

十四年

十五年

十六年

馬襲

二十七年	二十八年	二十九年	三十年	三十一年	三十二年	三十三年	三十四年
					康神慶		
						崔叔度	

	天寶元年		二十九年	二十八年	二十七年	二十六年	二十五年
	壬午						
碑	賈長源 <small>有道化人有德 養物見桐栢觀</small>	壁記 不載	裴光庭 <small>按唐史以開元 中貶守姑附此</small>	吳沅		敬誠 <small>自州授會稽守見 會稽志壁記不載</small>	常坦
州屬江 南東道	改刺史為 太守改台						

九年	八年	七年	六年	五年	四年	三年	二年
	李競			高繼之			

卷之五

赤城志

十八

十年

十一年

十二年

十三年

十四年

孫踐由

袁光孚

按沈佺期集有
饒台州袁刺史

入計序其畧云公四代
衣冠一門忠鯁大才沉
毅雅度溫良又云憑熊
下歛建葺之台甘雨隨
傳於往還仁風交扇于
期月觀此可爲良吏矣

至德元年

丙申

二年

李仲宜
至德盡二年
壁記作三年

改太守復
為刺史置

浙江東道
節度使領

台越等八
州又建靖

海軍使統
台及餘州

乾元元年

戊戌

二年

上元元年

庚子

二年

李嘉祐

有詩名所謂水田飛白鶩夏木

浙江東道

轉黃鸞者是也詩一卷刊郡齋然按括蒼志作

越福十二

上元二年

州招討海

賊使鼂唐

寶應元年

州賊袁晁反

郭英翰

見國清寺記壁記不載

號改元寶勝

廣德元年

鼂伏誅給復一

歲

二年		<p>李景宣 <small>壁記作陳景宣 今按唐世系表</small></p>	
		<p>載李景宣為台州刺史 <small>括蒼志亦然則壁記以</small></p>	
		<p>為陳恐誤然括蒼志言 <small>景宣以上元二年自台</small></p>	
		<p>州為處州刺史壁記乃 <small>云廣德二年又不可曉</small></p>	
永泰元年	己乙	也	
大曆元年	午丙		
二年		<p>李岵</p>	
三年			

四年

五年

六年

七年

八年

九年

郭叙

英瑜

罷本道節
度使置都
團練守捉
及觀察處
置等使領
州如故

	建中元年		十四年	十三年	十二年	十一年	十年
	申庚						
				王光曹			常卿紹
浙西	後隸	分台為浙	東西道	州隸浙	道以所管		

二年	三年	四年			興元元年	貞元元年	二年
					子甲	丑乙	
崔鼎		邢招濟 <small>按唐僧清晝有送邢濟牧台州</small>	<small>詩本無招字恐壁記誤又建中盡四年壁記乃</small>	<small>作五年</small>			

九年	八年	七年	六年	五年	四年		三年
陳偕			獨孤汜 及之弟見 大唐說纂				郭符
						道	復分台爲 浙東西二

十年

陸滂

十一年

十二年

第五峯

十三年

十四年

十五年

盧國因

十六年

十七年

十八年	十九年	二十年	永貞元年			元和元年	二年
			乙酉			丙戌	
常叶			徐裕 永貞盡元年壁記 作二年劉禹錫贈	衢州徐使君詩云開道 天台有遺愛人將琪木	比甘棠註云 徐自台運衙		李逢

九年	八年	七年		六年	五年	四年	三年
		焦悝	載	徐故	陳岵		
			記不	以朝散大夫來守 見佛隴智者碑壁			

十年

十一年

十二年

十三年

十四年

十五年

王建侯

柳泌

自復州石門山詔授至則不入州使

止山下領務修藥唐書及徐靈府山記皆作十

三年壁記乃作九年

王仲連

陸質

吳人明春秋傳啖趙之學嘗歷信台

長慶元年

丑辛

二年

苗藏位

王仲周

按舊唐書長慶二年仲周以奉

使緩命貶州刺史壁記
不載而載苗藏位於本
年之下殊
不可曉

二年

二州刺史終給事中太
子侍讀所著書甚衆門
人謚曰文通先生見
唐書本傳壁記不載

四年

寶曆元年

乙巳

二年

韋衡

太和元年

丁未

二年

顏顥
真卿之姪見大慈寺智顥畫象贊

三年

四年

五年

六年

鄭仁弼

見唐佛窟碑記不載塔銘

七年

鄭申

八年

九年

周魯賓

開成元年

丙辰

二年

李文舉

三年

四年

滕邁

五年	會昌元年	二年	三年	四年	五年	六年
	酉辛					
顏從賢 <small>開成盡五年 壁記作六年</small>				郭詮	喬莊	鄭薰 <small>擢進士第會昌九年為刺史后遷吏</small>

卷之四十五

赤城志

二十六

					二年	三年	四年
				丁卯			
部侍郎既老號所居為 隱巖詩松于庭號七松	處士見本傳嘗挈家游 桐栢觀有詩見天台集	右二政會昌盡六年 壁記乃載喬莊七年	鄭薰九 年恐誤		羅昭權 <small>見會稽志 壁記不載</small>	韓實	

五年

實弘餘

六年

七年

李肇

有國史補三卷翰
林志一卷經史釋

題三卷見
唐藝文志

八年

九年

裴謨

按元稹桐栢碑稜
云謨以此年五月

十五日宿此之郡
壁記作十一年誤

十年

十一年

十二年

十三年

咸通元年

二年

庚辰

李師望

按元鎮桐栢觀碑後師望十四

年以刺史至州討賊戰于天台觀前收復唐興縣

奚

夫名

僧懷王傳碑咸通二年太

守奚公重送寺額壁記不載

十年	九年	八年	七年	六年	五年	四年	三年
	袁從		董賡		吳敬章		李虔

三年	二年	乾符元年 <small>甲午</small>	十四年	十三年	十二年		十一年
裴璉			封彥卿 <small>咸通盡十四年 壁記作十五年</small>		譚洙 <small>見隋陳司徒 碑壁記不載</small>	志亦有尋趙尊 師詩見天台集	姚鵠 <small>擢進士第有詩集 行于世見唐藝文</small>

二年			中和元年	廣明元年	六年	五年	四年
	陷州	杜臨 雄海 反賊	丑辛	子庚			
劉文					羅虬	崔葆	
按壁記作劉文宗今					壁乾符盡六年 記作七年		

乾寧元年 寅甲	二年	景福元年 子壬	二年	大順元年 戌庚	龍紀元年 酉己	文德元年 申戊	三年

二年		三年	四年	光化元年	二年	三年	
			錢銀陷州	戊午			
沈仁綰 <small>見惠濟院記是年知州沈仁綰</small>	捨基為寺 <small>壁記不載</small>		駱團		李振 <small>抱真之孫壁記不載</small>	駱延訓 <small>十國紀年云駱延訓貞明二年</small>	因父團卒嗣為太守按貞明二年乃梁氏年號

三年	二年	天復元年					
		酉辛					
			而開平貞明再守也	至梁或者光化中滿去	爾則是延訓爲守自唐	梁高祖初即位年號果	今靈鷲院記云光化中
						也又按夏英公竦延慶	此說與壁記同紀年誤
						院記開平中刺史駱延	訓改爲龍潭院開平蓋

天祐元年

甲子

二年

三年

四年

曹弘達

一名仲達按
九國志曹仲

達臨平人錢鏐以妹儷
焉授台州刺史意史避

宣祖諱故
改為仲云

孫琰

張從保

錢鎰
弟 鏐之

右四政天祐盡三年
壁記乃作十年至十
九年

後梁

開平元年

丁卯

封錢鏐爲

吳越王州

屬焉

二年

三年

四年

乾化元年

未辛

二年

三年

四年

貞明元年

亥乙

二年

三年	四年	五年	六年	龍德元年	二年	唐	同光元年
				巳辛			未癸

卷之八

赤城志

三十三

二年

三年

天成元年

丙戌

吳全義

削錢
終王爵

二年

三年

四年

阮文卿

陳卞

壁記作寶正六年
蓋吳越年號也

長興元年

庚寅

二年

三年

四年

清泰元年

甲午

二年

晉

天福元年

丙申

錢元暎

王繼恭爲

六年	五年	四年	三年	二年			
楊暄							
					此附	高祖時今	臨海王 九按

七年

八年

沈承禮

開運元年

甲辰

二年

三年

潘承規

錢俶

鐸之孫治郡吏不
敢欺官至太師鄧

王封淮
海國王

潘審燔

	漢	天福十二年	乾祐元年	二年	三年	周	廣順元年
			申 戊				亥 辛
右二政開運盡三年 年壁記皆作四年				錢元玠			

二年

金訓

三年

錢弘仰
廣順盡三年
壁記作五年

顯德元年甲寅

二年

三年

四年

五年

六年

陸仕攷

錢惟治

赤城志卷八